

文集裏藏機隱密妙在其中論龍吟虎嘯嬰
蛇蟠容玉內全光燦燦神丹結躍出靈宮人
還悟速修清淨休受世間榮

贈辛五翁姜四翁

寒富過人作為異眾萊陽姜鑑辛通文登赴
醮不憚冒霜風來往近千里投壇告馬鉦
姜公持茅道宰公聞得惠酒勞奇功 虔誠
逢感應儀儀繞龍仙現雲中命丹青妙手傳
寫奇容從此住行坐卧搜幹運陰裏陽宮忘
塵事鄉人欽羨相重更相崇

贈萊陽縣眾醮首

高齋鍾真萊陽姜鑑廢坊辛氏名通遜子追
薦不避雪和風捧示眾官書疏跪領外承順
諸公居環堵一餐薄粥須辦十分功 加持
非草草玉山踏碎金藏願中要虎龍交媾產
出元容整頓精神惺灑救亡靈盡赴蓬宮人
聽勸齊心樂善釋道一般崇

赴登州黃蘇大醮

松栢巖前煙霞洞裏清風吹動靈苗水昇火
降大藥自然燒歌舞相陪童稚利名棄不讓

漁樵忘人我清貧為樂怕底是塵囂 人來
求追薦千言萬語苦苦相邀便加持齋戒遙
拜雲茶禱告重陽師父救亡靈得上青霄鸞
鶴引孤魂滯魄相從總逍遙

文山七寶會眾初卷告名因而示詞

七寶卷中三清門裏全真堂建相當東西廊
舍堪可做雲房鑿石名為丹井水甘美有若
瓊漿玄玄處處修真環堵幽雅不尋常 雲朋
并霞友微中講論妙裏斟量處身心清靜便
是仙方調息如同龜息命燈內性月圓光齋
場上文山道友唱此滿庭芳

洞玄金王集卷之十

丹陽神光燦序

道在邇而求諸遠事在易而求之難者此世
之常情至於日擊而存不言而論此上士之
趣實丹陽先生得之也先生以先覺之明開
發愚徒穎悟後進其有不逮者又從而指示
之誠猶皓月流天纖悉皆蒙顯煥心燈在體
熱惱咸得清涼先生又作神光燦百首俾使
歌揚絢繹互相警策云爾嗚呼先生其化
之心也深念人之意也重豈不若菩提寶樹
布清影於恒沙般若神舟濟塵勞於苦海者
歟姑以鄙言序其首大定乙未重九日筠溪
野叟甯師常謹序